



UNIVERSITÄTS-
BIBLIOTHEK
PADERBORN

Cogitationes, Sive Considerationes Christianae Pro singulis Anni diebus

Complectens Octobrem, Novembrem, Decembrem


Nepveu, François

Monachii, 1709

Dies 1. De Festo omnium Sanctorum.

[urn:nbn:de:hbz:466:1-60533](https://nbn-resolving.org/urn:nbn:de:hbz:466:1-60533)

November.



CONSIDERATIONES CHRISTIANÆ.

pro singulis Anni diebus.

N O V E M B E R.

DIES I.

De Festo Omnium Sancto-
rum.

I.



Anctorum exemplum ad sanctitatem sectandam animare nos debet, quemadmodum ipsi eam sectati sunt; hi Beati non sunt, nisi, quia sancti fuere. Propterea gloriæ ipsorum participes esse non possumus, nisi eorum sanctitatem imitando. Cæterum non imaginemur nobis, ipsorum sanctitatem à felicitate, non verò ipsorum generositate provenire: ut sancti evaderent, magno eis stetit. Eadem ipsis superanda fuere obstacula,

la, quæ nobis, nos eadem, quæ ipsi, me-November,
dia habemus, & ad eandem quoque remun-
erationem adspiramus. Si ipsi eadem
obstacula, quæ nos, superare debuere, eâ-
que superârunt, dicere non possumus, id
impossibile esse, ut hac ratione â sanctita-
te lectanda nos eximamus. Si eadem no-
bis, quæ ipsis, media superperunt sanctita-
tem consequendi, tum difficultatem ni-
mis magnam allegare non possumus. Imò,
si difficultates adhuc majores subessent,
eâdem cum ipsis animi magnitudine eas
superare deberemus, cum ad eandem re-
munerationem adspiremus, ad quam ipsi
aspirârunt; vel certè huic remunerationi
penitus renuntiare.

II. Elias, inquit Scriptura, ad nos con-
solandos, homo erat, iisdem, quibus nos
imbecillitatibus obnoxius; Sancti, quod
sancti essent, non continuò peccati com-
mittendi fuere incapaces; subjecti enim
erant imbecillitatibus, defectibus, animi
commotionibus non minùs quàm nos;
& hæc omnia ad sanctimoniam eos evexê-
re. Si imbecillitatibus fuere obnoxij, ex
iis emergere noverunt; si animi commo-
tiones habuere, eas & impugnârunt, &
devicerunt; si defectibus laboravere, eos
correxerunt, & hac ratione sancti evase-

November. runt. Quid, amabo, asferre potes, quod re studio sanctitatis obtinendae reddat immunem? an corporis habitudinem? habesne magis fervidam, quam Divus Petrus? magis violentam, quam S. Paulus? isti hanc corporis habitudinem servire sanctitati suae docuere; an nimis tenerum in creaturas affectum? quis teneriorem habuit, quam Magdalena? hæc eum convertere in Creatorem potuit; an vehementiam pravarum consuetudinum? quis vehementioribus, magisque inveteratis irretitus fuit, quam S. Augustinus? eas tamen divina adjuvante gratia devicit. An multitudinem, & diuturnitatem peccatorum tuorum? Bonus Latro peccare non cessavit, nisi in Cruce, & in momento Sanctus, & Beatus evasit; an conditionem, statum, officium, ætatem, sexum tuum? an non cælum plenum est hominibus ejusdem conditionis, ejusdem officij, ætatis, & sexus, cujus tu es? cur igitur id non facies, quod isti fecerunt? cur non, æquè, ac ipsi sanctus fieri studebis? *Non poteris, quod isti, & ista?*

Aug. 9. Conf.

III. At fortasse non eadem tibi media sunt sanctitatem sectandi, quæ Sancti habuere: auderesne hoc dicere, quin testimonium conscientiae tuae mendacij te argueret?

ret? an non eidem Domino servis, *cuj ipsi* servierunt? an is minùs bonus, minùs potens, minùs liberalis est, quàm tunc erat? an minùs fiduciæ in ejus auxilio ponere, an minore cum fervore ei servire nos decet? an non eundem Servatorem habemus? an minùs amari à nobis meretur? an non idem habemus Evangelium? an non idæquè nostra, ac illorum est regula? an minùs habet luminis, quo nos illustret? an non eadem habemus Sacramenta? an virtus sanguinis Iesu Christi eisdem insita minore vi pollet ad conferendam nobis sanctitatem? an gratiæ, quæ sanguinis hujus pretium sunt, minùs efficaciæ ad nos movendos, & emendandos habent? quî igitur fit, ut eadem media eundem, quem in Sanctis ediderunt, effectum in nobis non edant? causa est, quòd non eodem modo, quo ipsi, ad eas nos disponamus. Causa est, quòd hæc media salutis nostræ negligamus, causa est, quòd iis abutamur; causa est, quòd per eadem media, dū iis abutimur salutis nostræ consequendæ ponamus obstacula. Ne permittas Domine, ut hoc mihi accidat; sed eadem benignitas, quæ te impellit ad tot media mihi suppeditanda sanctitatem consequendi, te moveat ad concedendas mihi gratias illis bene utendi.

November.

Cum beatus esse non possis, nisi sanctus sis; nec sanctus esse, nisi tibi vim inferas, implora Sanctorum auxilium, & ad eorum protectionem confuge.

Regnum Caelorum vim patitur, & violenti rapiunt illud. *Matth. 11. 12.*

Promittit mundus temporalia, & parva; & servitur ei aviditate magna: ego promitto summa, & æterna; & torpescunt mortalium corda. *Imit. Christi. l. 3. c. 3.*

DIES II.

De Purgatorio.

I.

STatus, in quo animæ Purgatorii detinentur, jure nostram exigit commiserationem. Hæ sunt animæ, quæ multa perpetiuntur, quæ torquentur igne, ab ira Dei succenso; cujus tormenta superant, quidquid non modò tolerari, sed quæis nec crudeliùs aliquid in hac vita concipi potest. Purgatorii pœnis cõparari nihil potest, nisi pœna inferni: atque istæ, dempta diuturnitate & desperatione, majores illis non sunt. Extraneus aliquis, imò & inimicus ad commiserationem te moveret; si eum in hoc statu videres: verum amicus
tuus